

SARS e etsa kopo ya ho ipiletsa kahlolo ya la 16 Pudungwana 2021

30 Pudungwana, 2021 – Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter, ka mora ho fumana le ho lekola keletso ya molao, mmoho le kgothaletsa e matla ho tswa komiting e amehang ya tsa bolaodi ba SARS, o dumetse hore SARS e etse kopo ya boipiletso kahlolong ya la 16 Pudungwana 2021 tabeng e mabapi le Arena Holdings.

SARS e etsa boipiletso kgahlano le taelo ena le ho ba kgahlano le tiiso ya Lekgotla la Molao wa Motheo e mabapi le ho se ikamahanye le molao wa motheo ho tse mabapi le Molao wa Phihlello ya Lesedi le Molao wa Taolo ya Lekgetho.

Kahlolo ena ho ya ka moo e emeng ka teng ha jwale, ebang e ka se phephetswe, e tla thunthetsa motheo o hlomphenag haholo wa sephiri sa lesedi la molefalekgetho; oo e leng motheo oo mosebetsi wa SARS le wa ditheo tse ding tsa matjhaba tsa pokello ya lekgetho di thehilweng hodima ona.

“Setjhaba se ka netefaletswa hore SARS e tla sireletsa motheo ona wa sephiri boemong ba molefalekgetho e mong le e mong. Molefalekgetho e mong le e mong o na le maemo a lekanang pela molao mme re tla phethahatsa melao e amanang le SARS ntle le tshabo, leeme kapa ho thunthetsa ditokelo dife kapa dife tse seng di le teng,” ho rialo Khomishenara Kieswetter.

Ka ha taba ena e se e le pela makgotla, SARS e ke ke ya ntsha maikutlo a mang a fetang ana.

Ho fumana lesedi le fetang lena, ka kopo ikopanye le SARS ka SARSMedia@sars.gov.za